



ԱՌ ԸՆԹԵՐՑՕՂՍՐ



նորհիւ և ողորմութեամբ ամենազօրին Աստուծոյ մատեանս Աստուածաշունչ բազմաւ աշխատութեամբ կարգաւորեցաւ՝ գլխադրութեամբ և տնատութեամբ ըստ Դաղմատացւոցն. նաև ցանգով և համաձայնութեամբ: Քանզի համաձայնութիւն բովանդակից մատենից ըստ սրբոյ աւետարանին, առ մեղ ոչ գտանին, այլ առ Դաղմատացիսն միայն: Թէպէտ առ մեզ ևս գտանին, ի Դաղմատացւոց թարգմանեալ: Որպիսի է Աստուածաշունչն Ղազարու Վարդապետի Վալաքացւոյ և որք ի նմանէ գաղափարեալք են ներքաղարում Շօշում, այնք ևս ծայրստեալք և աղարտեալք ի գրչաց: Բայց ես նուաստս յամենից և յետնեալս անձամբ և գիտութեամբ ի մէջ մանկանց եկեղեցւոյ Տէր ոսկանս բանի սպասաւոր, յերկրէն Արարադու ի գիւղաքաղաքէն Երևանայ՝ հրամանաւ հատչն Հայոցն և Կաթողիկոսին տեառն Յակորո՝ եկեալ յԱմսդերտամ ձեռնարկի մատենոյս աստուածայնոյ: Զգլխատեալսն ի նախնեաց՝ ես ևս տնատեցի ըստ Դաղմատացւոցն. զթիւսն, և զհամաձայնութիւնսն առադրեցի մի ըստ միոջէ՝ որպէս էր հնարքանզի ո՛չ ամենեւին, և ամենայն իրօք միաբանեցան. այլ ի տեղիս յոլովս տարաձայ-

նեցան գլխով և տամբ՝ ոմանք յետ և յառաջք՝ ոմանք թերիք և աւելորդք. որոց յարմարումն ընդ իրհարս կարի դժուարաւ եղեւ, և բազմաւ ջանիւ Որպէս է տեսանել ի գիրս Մօսէսի, Յեսուայ, Թագաւորութեանցն. մանաւանդ ի գիրս Եսթերայ. Նզրասայ. Տուրիթայ. Սաղօմօնի, Դանիէղի և այլոց:

Որք են այլիսիք տարազանութիւնք: Նախորդն դրութիւն գլխոց և տանցն: Երկրորդն գոլն և ոչ գոլն գրոցն գլխոց՝ և տանց թէ առ մեզ՝ և թէ առ նոսա: Երրորդն, գլխոց և տանց առաւելութիւն և նուազութիւն: Զորրորդն, գլխոց և տանց յետ և յառաջ լինին: Հինգերորդն. բանիցն այլատարազութիւնք, և շաղփաղփութիւնք: Վեցերորդն վասն մերոյն ցանգոյ և նախադրութեան:

Նախորդն, որ է դրութիւն գլխոց և տանց. ո՛չ է յամենայն ուրեք ըստ կարգի շարակարգեալ՝ այլ խառն ի խուռն. քանզի ուրանօր էին համեմատք շարակարգեալք իրերաց, մեք ևս ըստ այնմ շարի զթիւսն յարդարեցաք. իսկ ուրանօր ոչ էին համաձայնք և յարմարք, զնոյն ևս խառն ի խուռն կարգեցաք: Ըստ գլխոյ դունուրեք գտանին, միայն ի դիրս եզրասայ. Եսթերայ. նաև ի գիրս առակացն Սաղօմօնի. և Դանիէղի: Բայց ըստ տանց նամենեւեան գիրս գտա-

ներն, դուռնուրեք համաբան ընթանան: Թէպէտ ի մատեանս նորոց Կտակարանաց սակաւք գտանին այլատարազք, որպէս քաջամիտ ընթերցողաց րացապէս երևի: Արդ այսոցիկ այսպէս գոլով, ոչ զմերոյն շարադրութիւն բնաբանի կարացաք խախտել, և ոչ զնոցայն գլխոյ թիւ և տանց. քանզի թէ զթիւ գլխոցն խախտէաք՝ կամ տանց, ընդ նոսին հարկ լինիր և զթիւ համաձայնութեանցն փոխել՝ և զթիւս ցանգոյն, որ էր անտանելի գործ. վասն որոյ այսքանս հնարեցաք հազիւ: Ըզմերայինն շարադրութիւն անխախտ պահել. և զգլխատութիւնս և զտնատութիւնս ըստ թուոյ նոցա յորինել, որպէս ահա տեսանես ի գիրս Եսթերայ, Եղրասայ, Սաղոմոնի, Դանիէլի. և այլոց:

Երկրորդն է գոլ գրոցն և ոչ գոլ՝ առ մեզ և առ նոսա: Քանզի առ նոսա գոն գիրք Յեսուայ Որդւոյ Սիրաքայ կատարելապէս ընկալեալ ըստ այլոց Աստուածաշնչոց գրոց՝ տնահամարով գլխով և համաձայնութեամբ փակեալ. զոր և ես ըստ իմում կարի թարգմանեալ յօրինեցի ըստ դարձատացւոցն. քանզի մեզ ոչ գոյր լիապէս, այլ ծաղկաբաղ արարեալ: Նաև Ստեփաննոս Վարդապետն Պօղոսացի թարգմանեալ և առաքեալ ըստ խնդրոյ մերոյ, բայց ոչ ժամանեաց մեզ յօգնութիւն, այլ զկնի ամի միոյ: Նաև զՉորրորդ Գիրս Եղրասայ որ մեզ ոչ գոյր ներ մատենից Աստուածայնոց. այլ միայն ի գրարկս Սաղմոսավանից՝ զայն ևս ծայրաքաղ արարեալ. նոյնպէս և զայն գիր ի հայս բարբառ արտալածեալ շարադրեցի: Նաև զցանգս Աստուածաշնչին: Բայց այս Չորրորդս Եղրաս առ նոսա ևս երկբայս գոլով ոչ ունի զհամաձայնութիւնս, և ոչ ի տեղւոյ իւրում, այլ ի վերջոյ եղեալ ընդ Եղրասայ երրորդի: Իսկ Եղրասն՝ որ է առ Դաղմատացիս երրորդ՝ առ մեզ առաջին էր կարգեալ՝ ես ևս ըստ մերոյ առաջին կարգեցի, փոխարկելով զթիւ համաձայնութեանցն ներ ցանգոյն, և ի լուսանցսն: Բայց կարի աշխատանք եղեւ: Սակայն Երրորդ Գիր Մակաբայեցւոցն սակա առ նոսա ոչ գոլոյն ես ևս ըստ մերոյն որպէս էր եղեալ թարց գլխոյ և համարոյ՝ եդի:

Երրորդն է գլխոց և տանց առաւելութիւն և նուազութիւն. զսոսա ևս ի գիրս Եսթերայ, Տօբիթայ. Դանիէլի և այլոց բազմաց գտցես. որք ի ձեռն համարութեանցն բացայայտին: Քանզի որք ի մեզ պակասք գոն, զթիւսն նոցին ևս եմք թողեալ՝ ուրանօր տեսանես զերեք կամ զչորս համարն. գրեալ՝ և զայլսն ըստ կարգի. և ի մէջ այնոցիկ համարոցն, թուով միով կամ էրկոքումբք. կամ ևս յոլովիւք ի բացթողեալ՝ որ քան թիւ ոչ գտցի այնքանով թուով զմերն պակաս լեալ իմա:

Նոյնպէս և զաւելեալն ի մեզ՝ յորժամ տեսանիցես բազմաւ տողով ոչ տնատեալ. գիտացես թէ այնքան բանն աւելորդ է առ մեզ. մանաւանդ զի ըղնգնածեւ նշանս լատինացւոց եղաք ի մէջ, որքանք պարունակին ներ այնց ըղնգնածեւոց նշանացն, թէ բառ, թէ բան, այնքանքն են աւելորդք, և առաւելեալք քան ղլատինացւոցն, որպէս գտանես ի գիրս Քազաւորաց, Եսթերայ, Առակացն. և այլոց: Բայց գոն ևս յայնց նշանացն, որք ըստ լատինացւոցն են եղեալք:

Չորրորդ՝ գլխոց և տանց յառաջ և յետ գոյն: Քանզի գոն գլուխք ի գիրս Եսթերայ և Սաղոմոնի, և այլոց. որոց կէսն աստ, և կէսն յայլում վայրոյ է գրեալ. նաև տասնեմէկն. յառաջ է գրեալ և մինն յետոյ: Երեսուն յառաջ է գրեալ և քսանեհինգն յետոյ. տասնեկերեք յառաջ է և մինն յետոյ. նոյնպէս և տանցն գոն յետև յառաջութիւնք, զորս զամենեսան ներ տեղւոյ իւրեանց գտանել մարթանայք:

Բայց Երրորդ Մակաբայեցին, որ ոչ գոյ լատինացւոց, ոչ տնատեցաք. քանզի զցանգն եղեալ են. և ի մէջ բնաբանին գլխահամար ոչ են կարգեալ. զի ընդ ցանգոյն համեմատեալ տնատեալ էաք, թէ լաւ, և թէ վատ: Վասն այնորիկ՝ այնպէս անգլուխ և անհամար տպեցաք: Այսպէս և այլքն, գլխահամարք բնաբանին ընդ համարոյ ցանգոյն ոչ համաձայնին ամենայնիւ և ամենայն ուրեք, այլ դուն ուրեք, որովք համարօք և ցանգօք անկարելի էր զհամաձայնութիւն յօրինել: Վասն որոյ զայսքանս հնարեցաք՝ զի որքանք գլուխք տարանջատեալք էին ի միմեանց՝ և կամ յետև յառաջ էին ընդ լատինացւոցն. այնց ի կրկին տեղւոյ զգլուխ կարգեցաք, և զտնաթիւսն՝ ըստ կարգի եղաք. զի ի ձեռն գլխաթուոցն. և տանց թուոցն մարթասչիք, և զհամաձայնութիւնսն, և զթիւս ցանգոյն ի տեղիս իւրեանց հաւաստեալ գտանել: Այսինքն կրկին երեսունեմէկ. և կրկին մետասան: Բայց զմանրաթիւսն ըստ կարգին գտանես յերկոսին տեղիս:

Հինգերորդ՝ անուանց և բանից շաղկապփութիւն և շաղկարատութիւն, զի զմի և զնոյն անուն ի բազում տեղիս բազմադիմիք են եղեալք: Զայնս ոչ ասեմ, որոց այլևայլ անուանակոչութիւն է հանդիպեալ. որպէս Գէդէօնի, և Սեղեկիայի, և այլոց յոքունց. այլ զայնս, որք միևնոյնք են ի բազում տեղիս բազմադիմիք են դրեալք: Նոյնպէս և շարադրութիւնք յոլովք գոն աղճատեալք. որք ամենեկին զտեսութիւն իրի ոչ յայտնեն. այսպիսեացս ըստ կարի հոգ տարեալ ուղղեցաք. ոչ բնաւին, զի մի ի պարսաւադիտաց եպրիցիմք, այլ զոմանս: Նաև զոր ոչ իշ-

խեցաք փոխարկել՝ կամ բառնալ ի լուսանցսն նօտրու գրով՝ եղաք. զի ճշմարտասէրքն և վերահասութիւն տեղեկասցին, և մտադիւրք լիցին: Իսկ որք ոչ կարի տարանջատք երևեցան, և կամ տարանջատք ելով այլով կերպիւ զայլ իմն զբան նշանակեցին. զայնս ոչ խախտեցաք՝ և ոչ ի լուսանցսն գծագրեցաք:

Վեցերորդ վասն ցանգոցն և նախադրութեանցն նախնեաց. զորս շարակարգել անճաճ թուեցան. մի զի համար սորին ոչ է այնու ցանգով. և ոչ տնատութիւնքն. և ոչ համաձայնութիւնքն: Երկրորդ՝ զի տուփն կարի ստուար գայր՝ և ծախն յոլով. որոյ աշխատանքն և ծախն դիտաւորութեան ոչ արժէին. քանզի դիտաւորութիւն դնելոյն, ո՛չ այլ ինչ էր՝ եթէ ո՛չ այս միայն, զի նախ-

նեացն վաստակ մի բարձցի. իսկ օգտութիւն և ոչ ծղի միոյ գոյր: Մանաւանդ զի ներ բնաբանիցն այնչափ տեղի չեղև զի ընդ Դաղմատացւոց համարոյն զմերն ևս էաք եղեալ. թարց բնաբանի համարոյն ղցանգսն գնել անհեթեթ էր: Երրորդ՝ զի և համար ցանգոյն ընդ համարոյ գլխոց բնաբանին էր անպատկան եղեալ սղալելով՝ գրչաց: Զորրորդ՝ զի համար գլխոցն ի բնաբանսն՝ է ուրեք զի եղեալ է՝ և է ուրեք զի ոչ է եղեալ. նաև եղեալքն ի տեղիս յոլովս անհամաձայնք են եղեալք ընդ ցանգոյն: Սակս այսքանաց պատճառաց ոչ եղան նախադրութիւնքն և ցանգքն առաջինք: Իսկ ղկարգեալսն և ղեղեալսն ի փառս Քրիստոսի ընկալարուք. և ղմեղ ի մեղադրանաց անպարտ արարէք:

